

亦登壇受戒爲沙彌澄修等四百四十餘人授戒又舊大僧靈祐賢璟志忠善頂道緣平德忍基善謝行潛行忍等八十餘人僧捨於舊戒重受和上所授之戒後於大佛殿西別作戒壇院即移天皇受戒壇土築作之○下略

○按ズルニ天平勝寶六年ハ孝謙天皇即位六年ニ當ル故ニ本文所謂天皇ハ即チ聖武太上天皇ニシテ皇太子ハ即チ孝謙天皇ナリ

〔日本紀略一醜〕昌泰二年十一月廿四日甲寅太上法皇○字於東大寺登壇受戒春秋三十三令右大辨式部大輔紀朝臣長谷雄作戒牒文

〔扶桑略記二十三醜〕延喜四年太上法皇○字登幸叡山御於阿闍梨增命房法皇謂增命闍梨曰我昔童年登遊此山心中發願出家住於此焉萬機政務十有餘年適遂本意而依尙侍之勸以僧正益信爲出家師於東大寺受聲聞戒今於此山和尙爲師欲受菩薩戒共保眞密之法以摠舊懷矣敬奉叡旨忽作御室於千光院五年四月十四日法皇於叡山戒壇院以增命阿闍梨爲師受廻心戒戒壇之上現紫金光見者奇之○又見濫觴抄

〔日本紀略八花〕寬和二年三月廿一日己丑後太上法皇○圓融自仁和寺向東大寺昨日出門廿二日庚寅法皇於東大寺受具足戒○又見百練抄本朝世紀

〔圓融院御受戒記〕寬和二年三月十九日丁亥申刻自圓融寺遷御仁和寺內觀音院廿日廿一日並依歸忌日今日有御出曆博士加茂光榮奉仕御反問僧侶侍臣步從于御車之後先是可被下宣旨雜事以別當右近衛中將實資朝臣于時爲藏人頭被奏大內殿者往還事可令檢非違使設御船兼制濫行之事隨即以宣旨下東大寺以藏人所牒給大和國差檢非違使左衛門少尉布瑠以孝右衛門少志安茂兼府生錦爲信等遣之有勅從之人省約爲本以其農業未了州民有煩之故也就中左大臣○雅以院司貫首可候右大臣○兼依外戚長者欲從別示叙慮共令留之以外院司番頭并可役仕之輩及可備威儀之法侶豫令差定